

盤洲文集

十七



蘇州文集卷第三十八

雜詩十二首

戶部員外郎淮東總領供職謝表

乘傳倉臺久叨榮於鄉部綴員郎位遂董餉於軍門  
 下拜頂恩疾驅莅職中謝伏念臣耳聞不廣心計甚  
 踈迹遠朝班失登瀛之故步官慚使指竊鬱滯海之虛  
 名頻年獲覲於清光仍世俱霑於異渥家聲有忝處  
 鴈序而不能鳴天語屢褒謂驚材之皆可用故茲推  
 擇驟出等夷方高穹佑再造之機而英斷講萬全之  
 策增淮濱之幕府下海道之樓船七萃雲屯舉張頤  
 而待哺千金日費難拱手以蒙成欲宿飽之可期固  
 空餐之是懼茲蓋伏遇

盤洲文集卷三十八

一

具

皇帝陛下規恢故境選擢群材細柳屈帝尊惠已深  
 於挾纊前茅戒軍政人自樂於椎鋒念足食乃能足  
 兵已治內然後治外猥令藁品姑試事權臣敢不慮  
 在乏興勉旃代匱乘此胡亡之運少佐武功竭其父  
 教之忠不為文具

太上皇帝內禪賀表

睿斷無前寶圖有託慶繇宗祐瑞發乾川中賀恭惟  
 太上皇帝陛下臨照四方憂勤三紀開儲禁非狠切

之請巽大位於間暇之時殺單于而敗單于據高文  
之憤矣家天下如官天下法堯禹而兼之樂哉別宮  
釋此重負臣偶分外寄莫綴末班徒傾微藿之誠第  
祝大椿之壽

皇帝登寶位賀表

虔遵中詔光御丕圖四方歸心千歲接統中賀恭惟  
皇帝陛下聰明稽古仁孝承祧天之歷數在躬重華  
協帝王有聖德受命下武繼文規恢再造之功鞏固  
無疆之祚臣忝參郎位職闕轅門徒馳拱極之誠莫  
預呼嵩之列

登寶位貢銀狀

伏以龍飛御極既天德之有開虎拜奉珍豈王人而  
可闕前件物載諸禹貢掌在周官涌地效祥敢參三  
帛之贄旅庭率職深慚九牧之金

謝登極赦書表

日月合明仰大君之繼照雷雨作解洽盛德之好生  
驩然有截之區覃此非常之霈中謝恭惟  
皇帝陛下誕膺天命光宅帝尊增重規疊矩之休行  
破觝斲珣之政問安視膳傳治國之仁心施惠布恩  
薰空圖之協氣臣幸因使事獲拜札書獄亡一人頌

已騰於廣陌畿方千里觀茲快於速郵

太上皇帝上尊號賀表

發揚聖德膺受徽稱詎日播傳望雲呼僊中賀恭惟  
太上皇帝陛下居域中之大以天下為公位既正於  
青宮心遂輕於黃屋鬱鬱葱葱之氣久著休符巍巍  
蕩蕩之名永光顯冊乾坤合慶宗廟產祥臣遠來異  
聞難形鉅美事高堯典六五帝以垂鴻誠擬華封八  
千春而介壽

賀皇帝上尊號表

考古先之闕典崇太上之尊稱傳命詔函騰驪坤軸

中賀恭惟

皇帝陛下纂堯之緒廣文之聲五日一朝未伸業業  
之孝千秋萬歲欲顯巍巍之名乃揆休辰式加明號  
祝壽齡之繇永彰聖德之輝光臣迹滯江濱心馳日  
下望丹墀之九級效喬嶽之三呼

賀會慶節表

舒虹紀節日在析木之津翔鳳騰章下獻南山之壽

中賀恭惟

皇帝陛下繼明疊矩受命迓衡傳位非漢唐踵二皇  
之遐武事親若曾閔得萬國之歡心初開長發之祥

共上無疆之祝臣名塵省戶身限都門鵷鷺分行莫  
造班庭之列岡陵介祉第深存闕之誠

謝賜隆興元年曆日表

真主履端七政在璣衡之器疇人課密萬民觀象魏  
之章覆載無私奉行唯謹中謝恭惟

皇帝陛下誕膺駿命光宅丕圖元年者君之始年春  
秋乃承於天意九服其外曰蕃服正朔已加其國人  
式頒曆象之文禮曰之候臣猥司外計例拜新  
書雖有考於王正顧何知於帝力

賀天申節表

葉隆化馬喜脫旋於繁機節紀流虹納垂紳之嘉頌  
中賀恭惟

太上皇帝陛下希夷合道昌熾錫符宮室安安可笑  
新豐之築神祇擁右不勞方丈之求彌月斯臨後天  
有禱臣猥司軍饗莫綴朝班錄金鑑而上十章具存  
彝訓奉玉卮而稱萬壽胥慶綽儀

欽宗大祥慰太上表

瞻蒼梧之野尚結愁雲廢棠棣之篇游經旬歲哀纏  
情而無盡禮順變而有終中慰恭惟

太上皇帝陛下望斷龍顏愛御鴈齒書謂之五典已

分天下之憂喪不過三年遂昇聖人之孝願寬悲懷以對榮懷

又慰皇帝表

制方遠狩帳未返於龍船西汜疾馳驚拜更於葭律  
延繼當守恨結拜編恭惟

皇帝陛下甫協帝華如繩祖武策士罷臨軒之禮復  
興出塞之師寒往暑來遂畢三年之祭乾旋坤轉  
所誦六緯之儀願豁一至情以尊神器

賀會慶節表

月管就盈時既和於玉燭星樞紀瑞慶斯會於金鋪

庚子月

五

頁五

凡在九圍共祈萬壽賀

皇帝陛下聖明繼伐勤儉定尊披輿地之圖欲規恢  
於禹迹歷中天之載實符合於漢興誕節再逢頌聲  
四起巨名參郎遷三軍洩竊比華封請祝虹流之  
祉仰瞻魏闕莫陪虎拜之班

賀立皇后表

言協著經儀成椒屋星軒絢彩地軸臚驩中賀竊以  
二南為王化之基六職脩陰令之事必登建於邦媛  
斯昭著於皇孀彤史所書芳圖可監恭惟  
皇帝陛下重華協帝先治齊家崇九廟之嚴禋竭兩

宮之孝養拜歲已勤於內助中闈未奏於隆名遵太  
上之訓詞備有司之典冊俛天所命遡日爲明大妣  
嗣徽音益顯大任之德長秋正坤極永承長樂之顏  
臣出掌軍須側聞國慶祝聖人之多子竊效堯封歌  
淑女之進賢何慚周什

賀皇后牋

發祥龜筮正位宮闈歌二南入行之詩備六服禕褕  
之禮中賀恭惟

皇后殿下明章淑範肖似徽音大練厚增法陰馬中  
興之后重侯累將郵宣元外戚之家坤極旣尊母儀  
可仰臣方司外計莫繼末班慶椒掖之禮成傾葵心  
而頌作

賀太上皇帝表

乾剛繼伐爰契聖心坤則正名更勤慈訓禮成今日  
慶出陳編中賀恭惟

太上皇帝陛下等慈恭元凝神道妙幾年薦舜邁盛  
德於帝勛三母翼周示德音於太妣章宮中之婦順  
作天下之母儀臣偶縟微官竊聞緜典班莫趨於九  
級化益詠於二南

賀壽聖皇后牋



祥開穀旦儀講椒塗具嘉慶以無前仰徽音之有續  
中賀恭惟

壽聖皇后殿下景鐘撰德沙鹿垂光夏之興也以塗  
山助成寶葉葛之覃兮于中谷允蹈聲詩茲選建於  
副禕益怡愉於長樂臣職供外闡身蒿上都敢哀擊  
壤之謠用繼俛天之雅

謝除司農少卿表

分職供軍每懼乏興之譴絳名司稼更叨因任之榮  
力短無庸恩隆曷報中謝伏念臣螢光弗遠鼠技易  
窮偶竊郎曹之稱來專餉道之事逢時多壘尸祿弄

暮興十萬師則費千金况增禁旅率三十鍾而致一  
石遠出淮瀆東遷齊附之遺黎比受匈歸之雜種市  
租輸入莫府茲事蔑聞衣食仰給縣官其人愈衆常  
虞不足之患徒辱非常之刑華衮自天忽得有勞之  
獎列卿惟月遂塵不次之除重拜綸言彌光使指深  
思激勸獨誓縻捐茲蓋伏遇

皇帝陛下德盛協華政先核實整軍經武內堅再造  
之誠任賢使能兼屈萬全之策雖輸平而款塞益嚴  
備以防邊不弃斗筲之材庶終尺寸之效臣敢不搏  
節出內防閑弊欺時三邊之芻蕘瞻前敢闕問一歲

之錢穀善後是圖

謝賜隆興二年曆日表

恭階陳六符之經若稽要說玉燭調二年之曆誕布  
新書賜札爲榮開編有考中謝竊以驗之天道則有  
分至啓閉之叙施之人事則有析因夷隩之宜明主  
求端南向謹中星之候疇人失閏西流差大火之躔  
課密奏篇統元貽憲恭惟

皇帝陛下德參穹壤政法陰陽行夏之時不爽孟陬  
之紀紹堯之後復修暘谷之官荐居正以次春始歸  
餘而成歲臣例叨頒朔未獲朝正名玷稽臣義實慚

登州文獻卷之二十八

八

具

於九扈職專饒道積唯幸於千倉

謝中書舍人表

起草八埒懼攝承之大譴判花四戶塵清切之近班  
自憐骨相之寒更冒身章之寵瞻天拜命跼地銜恩

中謝

竊以典冊之難古今所重欲發揮於聖意用鼓

動於群情必兼麗卿雲無翫被詆媿之病則上規姚  
姒有聲牙幽眇之風如臣者學殖就荒詞鋒愈鈍異  
時擢第竊入洛之虛聲要路問程綴登瀛之顯列中  
遭禁錮久事蟄藏幸琴瑟之更張齒搢紳而復用疊  
懷郡轍游易使軺遙聯郎位之名分摠軍儲之寄束

春秋於高閣已謝毛錐呼庚癸於首山但防羽檄滯  
躋卿寺重到帝城蛻凡質於滄塗駭英游於夢境議  
禮同於聚訟弗通因革之宜乎號以之揚庭莫擬坦  
明之訓徒夸三組蔑補一毫叨眷主之親除正詞臣  
之高選顧掌制甚榮於內外豈備貞能善於始終况  
朝政之所關雖敕書而可議詎容握麈之品乃點論  
思之間獲戾有期循涯非據此蓋

皇帝陛下剛健中正緝熙光明被六藝而佩禮文學  
惟稽古練群臣而核名實官必擇材何取鯁生使陳  
薄技重念臣一門再世繼入北扉同產三人迭居西  
省茲對紫薇之直實增棠棣之華蒙兩朝雨露之私  
預盛事衣冠之數儻報恩之有路雖赴死而不辭

謝宣召入學士院表

叨翰苑之優遷循墻莫避拜綸函之嚴召瞻闕而趨  
仰面命之非常豈心期之敢望中謝竊以嚴樂司馬  
之於漢中外相應以義理之文張陸九齡之於唐出  
入得參乎謀議之職禮秩歷時而逾重官曹從昔而  
極清不惟專掌於代言至乃與聞於論相莫堦視陰  
有五壻學士之期蓮炬分光非半夜鬼神之問迨皇  
朝之稽古廣賢路而得人或經年闕長而不除必接

畫量才而後用如臣者學纔涉獵志不激印自重入於脩門即浸階於華序以塵視草咸刺伐檀偶逢疆事之興且改郊禋之卜鈐條潛動泥札交馳適以獨負復司外制初乏湧泉之思常懷閣筆之憂報單于之書何能遏邊萌之禍下奉天之詔無以感悍卒之心顧五技之盡窮覲一麾而可夫忽盼鳳尾之詔驟陟鰲頭之班紫誥黃麻念史談嘗掌斯事前鴻後鴈至盧奕三居其官寵厚益驚職親曷稱茲蓋

皇帝陛下詳明政體精選人材賜宴清閒已命經筵之遞宿問民疾苦將修浴殿之舊儀既灼見於愚忠遂曲加於飾擢臣敢不益尋素業勉企前英雖慚華國之辭敢負致君之學力行直道每懲朋比之私上報異恩儻效涓埃之補

謝賜衣帶鞍馬表

色然盛服兼金賁於九環鉤轡文韉上駟來於六廐折腰增煥問景知慚中謝伏念臣質謝囊雖業荒裘冶試演綸之末伎玷持橐之清班帶櫛具而冠進賢漫綴章逢之伍駕齧齶而驟乘且敢萌馳騫之心驚此龍光被之驚猥此蓋伏遇

皇帝陛下恩隆文陛禮重禁林市駿而築燕臺始於

郭隗解衣而呼陸九如彼唐宗仰叨覆載之私曷稱  
便蕃之錫著鞭而騏驥居後難逃劉瑀之譏束帶而  
賓客與言竊起公西之慕

盤洲文集卷第二十八



盤洲文集卷第二十八

賓客與言竊起公西之慕

郭隗解衣而呼陸九如彼唐宗仰叨覆載之私曷稱  
便蕃之錫著鞭而騏驥居後難逃劉瑀之譏束帶而  
賓客與言竊起公西之慕

歸洲文集卷第三十九

謝表

辭免簽書樞密院表

厖恩曲被實深非據之憂温詔下盼益重若驚之寵  
控忱詞而屢瀆期聰聽之可回惟敬俟於嚴誅或退  
尋於故步中謝伏念臣斗筭小器佔畢陋儒遭逢特  
達之知度越輩流之上繪章締句尚堪鞭策於驚才  
經武整軍烏可參陪於籌帷躍先俊軌必速煩言伏  
望

皇帝陛下施等乾坤明垂日月鑒此由衷之請略夫  
反汗之嫌改用英賢使分宥密之務庶幾庸瑣獲免  
顛濟之虞臣無任

謝表

間兩社而為輔超繼邇聯等一里以折衝曷勝重任  
仰承殊命內集危衷中謝伏念臣處世卻行入朝寡  
與出言如綉莫追温厚之風持論不根祇瀆崇高之  
聽每虞幽黜獨忝誤知方進陟於禁林忽躡居於宥  
地偃辭弗遂尸素惟憂念君臣遇合之難况之千載  
顧兄弟因循相繼曾不一年寵既疊於私門望豈孚  
於公議茲蓋伏遇



皇帝陛下勵精治具垂意人材求儒雅以闡大猷術  
分邪正有常德以立武事道叶弛張雖當偃革之秋  
尤軫解絃之慮謂臣戇愚之見寸或有長知臣頑鈍  
之姿詳於已試欲其中立責以自強故奎畫有明諒  
誠易之褒而玉音申可否毗贊之戒眷存至此報塞  
謂何懼無補於幾庭終難逃於讜域臣敢不瞻前為  
監善後具圖取人絕親舊之私遇事去朋黨之散佩  
丁寧之訓常恐雷同輸悃悞之誠更期海納臣無任

德壽宮謝表

致身紫橐浸高規草之班接武黃樞初乏從薪之策

蘇洵卷之九

卓正

仰祇茂渥莫遂深辭中謝伏念臣性愚不移材薄無  
用咨四岳能典朕禮微討論制作之長俾萬姓咸大  
王言非明白溫純之比以臣俊軌屢觸危機載尋區  
革之盟首預乘輅之選臣有雪覆之厄雖禿節  
之尚存而同產遭霜簡之彈亦覆重之可畏偶憑帝  
力獲締鄰驩將瀝請以休故山忽拜恩而長翰苑未  
安坐席又陟籌帷顧宥密之責匪輕懼譴何之事難  
免茲蓋伏遇

太上皇帝陛下蹈堯舜聖神之迹記蘇張忠義之家  
兩世受知曷報隆天之施一門集寵游叨政地之除

內揆僥踰益增隕越臣敢不鞭笞駑駕景行英塵抱  
公滅私常無忘於三省整軍經武庶有補於一毫臣  
無任

謝賜生日生餼表

溫檢成章軫門弘之初度貴貂傳命拜臺餽之多儀  
自顧冥頑甚漸錫三十謝伏念臣學不足以通治體  
材不足以贊沉機自登筆橐之班浸躡鈞樞之任一  
塵無補百端是憂綠弗洎親方篤蓼莪之感恩斯逮  
下更叨華衮之褒此蓋伏遇

皇帝陛下仁等上天禮優近輔有覲餼牢之賜以榮

大馬之生竊誓孤忠曷酬洪覆臣無任

辭免叅知政事表

使璫狎至方戰越於新班詔札鼎來未允俞於微悃  
危侔臨公辭迫循墻謝伏念臣弱羽不可高飛驚  
駕焉能遠適入朝見嫉防市虎之相侵憂國無聞笑  
井蛙之奚算自參看畫益負空餐忽叨制渥之私俾  
預政途之列儻貪榮而不懼必獲矣以何逃伏望  
皇帝陛下責實循名量材授任憐孤蹤之安用寢茂  
命於已行別選異能式隆上治臣無任

謝表



政塗備數莫一畫一之規樞筦攝空奚堪共二之寄  
偃樓弗回於中謝戰兢徒集於微弱中謝竊以帝王  
以知人爲難臣鄰以得時爲慶必緼熙朝之業始疑  
弼右之勲亶上聖之有爲咨實材之可用權綱欲振  
治具未張士風奔競而所患乏材軍政糾紛而易曷爲  
立武豐財孰究其策去弊莫知其方旣台緼之位尚  
虛故輔臣之責尤重如臣者荒疎之學不足以斷國  
論區督之識不足以燭事機誤簡淵衷浸超華轍惟  
基命於夙夜甫玷近司儻責備於春秋已奸黜典敢  
謂九天之渥益躋兩地之班在三卿之中方期學步  
於百寮之上尤懼代庖鏤骨銜恩汗顏就列茲蓋伏  
遇

皇帝陛下大明獨照洪覆兼容謂其久侍清光體勵  
精圖治之意使之共調元化成祗節首公之名臣敢  
不仰稱選掄自加鞭策正紀綱而守法度誦聖語以  
力行籌帷幄而坐廟堂竭愚誠而思報臣無任

德壽宮謝表

祗拜恩言進陪政路偃樓莫回於茂渥越越有覲於  
周行中謝竊以股肱之寄責之二三臣文武之柄繫  
乎東西府非得爽邦之彦曷隆致主之名如臣者學

不能考古而驗今材不能任重而致遠叨兩朝之殊眷躡多士之清班歲月浸淹消塵奚補報淮南之詔雖嘗乃於三褒草贊晉之書終遠慚於陸贄甫從鰲禁入贊鴻樞帷幄運籌無邊衝之可折絲綸出命豈國論之能參集此僥踰若為稱塞茲蓋伏遇太上皇帝陛下如天覆壽猶日照臨謂其世紹箕裘或佩教忠之訓使之位聯鼎軸儻收區武之功臣敢不銘骨知榮稟驅思效仰輔為華之治常虞竊位之幾臣無任

辭免除右僕射兼樞密使第二表

卷之二十九

五

單正

大庭渙號仰驚茂渥之盼細札成文未徇愚衷之請敢干威咫尺中謝仍瀝忱辭伏念臣復近觚稜初無介紹受非常之知遇忝不次之遷除雖孤蹤屢至於阼危獨淵覆曲為之涵宥既超等幄浸列政途一言可以與邦曾靡筦闕之益四岳有能熙載遽叨柄用之私念大君摠攬於權綱欲內治修明於法度行信賞必罰之政求舉備補弊之方杜邪枉之門去朋比之黨財莫公私之皆足事期小大之畢張非得真賢曷勝重任豈伊華可備使令竊深據蒞之憂何止伐檀之刺伏望

皇帝陛下乾以委鑿曜魄垂光別求有用之材俾免  
疾顛之患臣無任

第三表

階六符以觀天象漸齊色月三日而成魄勢合辟盈  
荐瀆蓋高自知不宥中謝伏念臣器非任重識不燭  
微自躡政塗臣尸宰枋樞殘周密豈神爵五鳳之年  
威福剛柔昧洪範九疇之叙況此相臣之關歷乎旬  
月之期予印惟難拂龜有待茲竊處中之位必貽歇  
後之譏伏幸

皇帝陛下念不移之愚追已下之命曲全叢品用穆

僉言臣無任

謝表

洵朝戶祿已寬策免之科當輔秉鈞更誤庭揚之命  
渙音弗反朽質自驚竊以宰相遂萬物之宜實  
求康濟之效天下倘一堂之上可使戚欣之殊儻膠  
柱而無應變之長或持蠶而弄蠶之義則不能仰  
崇右德下尉民瞻必有隆棟之材始堪巨川舟  
楫之用豈伊匪據可以自強如臣者天子九姿人知  
窘步幸千齡之獨遇致一歲而屢遷尊俎折衝媿汲  
直寢謀之美璣衡齊政蔑舜官熙載之能雖區區欲

塞於倖門亦惴惴恐行於危道抵憑聖察敢罄愚誠  
不勝丹慊之憂輒請素餐（飛甫蒙恩宥迺瑛除  
宰席踐久虛之班籌帷高對掌之職疏封侯壤進秩  
文階寵渥便蕃有此雨露之澤制詞訓敕出平雲漢  
之章竊顧罷駑若為補報（未詳）

皇帝陛下焦勞圖治（賢視朝有禹湯之明當  
饋發蕭曹之歎神聖其（及尚采鄙言天地之德  
曰生由全弱（益矜其不）施以有為臣敢不期稱所  
蒙力行不廢（患失悔私之戒久矣書紳守奉公履  
正之規庶其（浦來臣無任

### 謝宮祠表

旬月贊襄終召和羹之美一朝顛沛自貽覆餗之殃  
仰戴仁天得賒死地驚寃未返渙命難勝（中謝伏念  
臣材匪時湏仕無人望指脩門而重入偶被簡知登  
要路以亟遷（遭冒嫉既參宥畫馴陟台司不量駑  
鈍之姿欲副丁寧之訓然力小安可以任重惟本弱  
故易於根危茲因燹理之非願請曠瘳之罪庶圖上  
印獲免傷弓眷注未衰尚（瑛辭之在耳詆訾不恕忽  
彈奏之吹毛獨賴聖明特寬典憲徹侯就國已乖巖  
石之具瞻祕殿奉祠無異（忌流而勇退制音僭受感

涕交揮茲蓋伏遇

皇帝陛下寵厚股肱禮存體貌方此燭幽達枉不盡信於多言憐其執法奉公致浸奸於衆怒未減投荒之譴保全出晝之行臣敢不鏤骨銜恩洗心思咎乾坤莫報益堅存闕之忠吠畝可歸或企灌園之迹臣無任

紹興府謝到任表

上丞相之印甫獲退藏懷會稽之章遽叨進用既自天而申命即便道以之官中謝伏念臣識闇物先品居人下幸際風雲之會屢屐塵柱石之班佩聖訓之丁

寧靡辭任怨志公薄強欲徇公曾未建於大中已見愠於群小彈文雜襲雖投裔不快其私淵度矜容使歸田以避其毒自違威咫尺閱歲華仰沐知憐屢形獎錄敢覬起家之寵遂膺維屏之除枚扶恩隆靡捐報淺惟茲禹會是謂介藩職連率則長於東方諸侯拱行闕則比之丙都三輔就堯如日身既近於長安入越之疆心甚慚於范豕所虞瘵曠復誤使令茲蓋伏遇

皇帝陛下擇共理之材振內修之政大明黜陟小人之道日消獨摠權綱五帝其臣莫及不棄蓋帷之舊

俾分戟纛之榮臣敢不思稱所蒙自鞭其後布宣德澤唯民瘼之是求剗剔姦貪冀州箴之可舉臣無任

朝永祐陵表

維乾道二年歲次丙戌十月辛未朔十二日壬午具位臣洪某恭詣

徽宗皇帝永祐陵攢宮朝謁者臣某頓首頓首言曰垂衣裳於盛旦咸仰文謨藏弓劍於名山茲連禹穴臣牽絲自外泣篆惟新敢循守土之常獲展拜陵之敬恭惟聖鑒俯諒微衷臣某頓首頓首謹言

諸后攢宮表

慶曆二年十一月

九

皇

續有難之史永播徽音瞻於越之山寶藏大練臣牽絲有命懷組是邦敢遵故事之常式展幽宮之敬恭惟靈鑒俯諒微衷

謝賜銀合臘藥表

速郵斯暨良劑來盼遙拜明庭敬藏溫詔中謝伏念臣叨臨近輔甫對抄冬年在中身同早衰之蒲柳藥皆上品如遠采於蓬萊輔以朱提之珍賁於宛委之域沉痾可免腆予惟榮此蓋伏遇

皇帝陛下仁德宅中恩波浹下使臣以禮茲存體貌之餘視民如傷况乃股肱之舊故推賜式俾護生經

儻餘溝壑之填必報乾坤之施臣無任

謝賜曆日表二

重離南面初臨再劫之年大火西流斯正餘分之曆  
新書誕布綿萬前知中謝伏以業繁疇人數或譏於  
乖次事傳遠古法尤重於歸奇恭惟

皇帝陛下以天聰明如日臨照九疇收叙歛五福以  
錫民七政以齊定四時而成歲同文所暨開卷遂行  
臣職忝十連壤均三輔火耕水耨俾不失於農期夜  
寐夙興唯深思於王事

天儀默運茲臨上戊之纏民用前知如揭先庚之信

每卷之三十九

一

皇山

奏篇既出賜札惟均中謝恭惟

皇帝陛下離治嚮明乾剛行健解絃更化奮木鐸以  
令兆民截管考聲在玉衡以齊七政清臺所考絲寓  
式同臣以玷竹符再開穗曆司分司啓已知來歲之  
宜或耔或耘益勉西疇之事

謝賜夏藥表

時臨三伏孰禦炎威扎降十行鼎來珍劑偃躬登受  
盟手開嘗中謝伏念臣猥典价藩密依魏闕比因衰  
病將辟穀以追赤松之游茲拜恩盼可入門而遠黃  
能之夢此蓋伏遇

皇帝陛下仁懷舊弼物重常儀御南風之琴普令解  
愠賜西山之藥曲使衛生儻幸免於熱中期永有於  
報上

安恭皇帝上表

侵起坤倪光沉軒曜凡居覆載靡不哀摧中慰伏以

大行皇后著德椒塗傳芳蘭館葛之覃兮于中谷允

蹈雅言夏之興也以塗山幸追前躅孰謂倪天之聖

遽虧遡日之明恭惟

皇帝陛下化如如慈隆麗極懷哉淑範悼故劍而

不忘布此黼筵副禱而有感願遵經禮俯割悲悽

盤洲集卷二十九

七

臣恨以職守不獲奔赴闕庭稱慰

盤洲文集卷第二十九



項曰八

皇帝陛下... 盤洲集卷第二十九



盤洲文集卷第四十

二十七首

謝郊祀禮成加恩表

伏念臣待罪山陰依光日下遇聖主再郊之歲有關  
包茅均泰元三獻之釐遂霑細札既衍井畝之賦更  
叨公社之封中謝茲蓋伏遇

皇帝陛下澤欲下流福非專鄉奉瑄玉而饗帝已貳  
縟儀坐酌金而奪侯悉除弊法故茲陟典猥及微臣  
誓堅存闕之忠用侈傳家之慶臣無任

謝賜銀合臘藥表

盤洲文四十一

承流無補久懷視蔭之慚拜況有光斯免負薪之疾  
鴻私曲被弱質難勝中謝臣聞出壘賜金漢室用旌  
於良吏翦鬚和藥唐宗以療於元勳惟聖朝獨異於  
藩垣故盼式並行於伏臘恭惟

皇帝陛下仁如天覆恩與風翔帝堯立四時之官式  
謹司冬之令神農審百草之味蓋存濟衆之心軫此  
下臣錫之名劑使積疴之去躰期後效以捐軀臣無  
任

謝提舉臨安府洞霄宮表

典股肱之郡曠職衰憂願香火之祠拜恩從欲謹何

獲免銘鏤難言中謝伏念臣姿稟凡庸智能局促獨玷前旒之殊遇遂登右鼎之巍班數月盡心罔有一毫之補衆言銷骨欲行四罪少之誅仰賴簡知第從策免未皇黔突即不專城念牧人御衆之難躰責實循名之政妾欲抑強而宣化未嘗畫諾以養高自恨斗筲之材訖無尺土之效況以蚤衰之蒲柳居然遠想於粉榆屢貢忱詞如諧歸志奉三年之計有媿前塵起千里之行復三故步此蓋伏遇

盤洲二一四一

二

皇帝陛下軫憐舊輔宣布異恩茲聞同產之對敷復辱淵衷之稱獎記臣立朝之宣力深咎懷茲之人察臣無任

### 賀天申節表

太階平而玉衡正甫臨九夏之中聖人出則里社鳴斯慶千秋之節中賀恭惟

太上皇帝陛下道隆衆父德邁三皇博行優游享尊親之大養聰明光宅授翼子以燕謀茲逢流渚之辰共上呼嵩之祝臣獲休鄉閭莫預庭紳想萬壽之稱觴袞龍拜手望九陔而貢牘螻蟻馳情臣無任

賀郊祀禮成表

致慈竹宮簡靈辰而允協流光珠幄慶茲祀之備成  
德動九垓驩傾六幕中賀竊謂聖人然後能饗上帝  
所以降康周室庀官奏黃鍾大呂之樂漢京紀瑞作  
赤鴈白麟之歌於鑠昌朝高邁前躅恭惟

皇帝陛下應天尚寶除地揭虔格悅近來遠之和崇  
交神塞明之報四圭有卽穆然祗栗之容八陛為壇  
絜爾靜嘉之薦星輝雲潤乾清坤夷納鴻祐以無疆  
薰嘉生於有截臣駿奔跡遠率舞情深建太常之辰  
旒載欣跋事奉有司之瑄王徒想侍祠臣無任

禮部志書

卷

三

賀太上皇帝加尊號表

禮尊丕冊慶溢慈宮凡厥式圍率皆擊壤中賀恭惟  
皇帝陛下垂衣三紀脫屣乃機鼎來高厚之祥泰處  
希夷之樂唯天比大蕩蕩乎無能名以道自娛恢恢  
其有餘地洊隆名號共睹憑儀臣退伏故鄉逖聞盛  
典上玉卮之壽草拜下之班紬金匱之書獨仰光  
前之蹟臣無任

賀壽聖明慈太上皇后加尊號表

蒐舉縉儀鋪張寶冊福歸慈禁喜浹絲區中賀恭惟  
皇后殿下躰德坤元儷尊乾極一成祀夏資內助以

經邦三母翼周絕外言之入梱偕享壽康之樂海加  
光大之稱巨遙睇龍墀莫班鷺綴播傳鉅典益隆邇  
日之明歌詠徽音願續俛天之雅臣無任

兩宮加尊號賀皇帝表

瑞集慈闈冊尊顯號詔音所布驪頌載騰中賀恭惟  
皇帝陛下德邁羲農行高曾閔通武有鑿乾之志問  
安得治國之經堯以受命爲憂上享倦勤之樂舜盡  
事親之道益隆質實之名臣久去雲霄遠藏田野拜  
表章於興慶身萬班行蒐禮典於曲臺心傾儀注臣  
無任

立皇太子賀太上表

英主守文協重華於盛旦元儲繩武開洵震之休符  
慈禁益尊皇圖有永中賀恭惟

太上皇帝陛下德垂後裔道冠前王萬方懷覆物之  
仁十載饗倦勤之樂五帝足六揭巍巍蕩蕩之名一  
日見三衍繼繼承承之慶巨身居鄉社心係宮庭莫  
參振鷺之班祗益抃鼇之喜臣無任

賀皇帝表

吉日臚傳前星彪列布宣細札鼓舞綿區中賀恭惟  
皇帝陛下聖德無前英規復古深惟國本之重默契

天心之公龜筮既從袞龍獨漸故受以良兆三索之  
珍符相見乎離著重明之上象臣退藏田野遐想闕  
庭徒存拱極之誠莫睹呼嵩之慶臣無任

賀皇太子牋

覆載疑符元良主鬯慶開宗社驩動幅員十賀恭惟  
皇太子殿下仁孝生知溫文日就天開地闢已題再  
造之期海潤星暉於赫重光之瑞兩宮有喜萬祀無  
疆某逖處故鄉欣聞徽典馳心鶴禁莫窺鏤牒之文  
矯首鴻儀徒想班庭之禮某無任

謝郊祀加恩表

慶州志卷一

五

五

熙事光前對泰壇之嘉况慶條逮下行井邑之新股  
仰望明庭敬祗茂渥中謝伏念臣退休故里遠萬上  
都想進幣於中宵莫瞻三獻記執紼於曩日又見兩  
郊何期商賚之行亦在周行之數茲蓋伏遇

皇帝陛下誠格穹壤孝寧廟祀禮既講於逆釐意實  
顯於歛福惟漏泉之澤已浹遐遐故增戶之恩靡分  
中外臣深知禮屈益媿名浮竊幸逸居得養漳濱之  
疾敢循文具輒辭此殿之封

會慶節賀表

日臨析木光疑北陸之躔星仰流虹瑞起南山之頌

式園所暨拱極道同中賀恭惟

皇帝陛下德煥重華志圖再造摠綱振領尊居蟻漚  
之中越契踰繩何取鴻荒之際皇風載躋協氣橫流  
卓哉彌月之祥申以後天之祝臣庶身尺地矯首咫  
顏百辟奉觴茲數十年之慶九域衍筮已題萬壽之  
期

天中節賀表

伏以十載嘉禾享大豐稔萬方介壽增電樞  
有求之符聲教所覃驪吐嘉禾賀恭惟

登州府志

七

十

王之大業已安已治授聖子以詒謀誕開金殿之祥  
荐講玉卮之慶臣退居故里阻望嚴宸徒傾葵藿之  
誠莫布松椿之頌

謝加恩表

圓丘展采驪已接於靈旂中禁均釐恩遂加於上笏  
寵光所及震悸靡寧中謝伏念臣一去闕庭三逢郊  
類包茅何有職弗預於駿奔食采益增心甚慚於驟  
竊茲蓋伏遇

皇帝陛下福非專鄉澤欲旁流其出如綸尚暨要荒  
之服多與之邑不遺小大之臣故此慶條逮於舊弼

臣潛山已老報國無階雖深僂僂之情實負陪弼之  
澤臣無任

賀太上皇帝加尊號表

禮崇寶冊瑞湊慈宮凡在提封率皆距躍中賀恭惟  
太上皇帝陛下亦符受命黃屋非心兆民蒙區武之  
恩三紀獲崇文之上立德存誠踐履於義經天  
下歸仁盡性兼尚於堯帝鴻上賓寶編典流光臣退  
處立樊遙瞻洪臚傳呼興慶之班壽介王  
庖赳赳未史之舉臣無任

賀太上皇帝加尊號表

瑞集慈庭冊萬坤極照臨所暨林蹈則同中賀恭惟  
太上皇后殿下溯日合明歌風播德堯天齊壽增魏  
魏蕩蕩之子承顏鄙洩黜黜之樂徽稱三進  
鉅典一新耳聞庶事葵傾四海漫馳存  
關之心花覆千官莫接呼嵩之武臣無任

賀皇帝表

慈闈受社不冊垂鴻聲教所覃耄倪同慶中賀恭惟  
皇帝陛下業隆再造德煥重華武能廣文之聲益揚  
躋蹟舜畫事親之道屢講緝儀瑞溢堪輿事光竹帛  
臣久違軒陛遠在丘園二聖重歡何取中興之頌八

音迭奏莫陪上壽之班臣無任

太上皇帝慶七十賀表

作之君作之師邁百王之高躡得其位得其壽問七  
帙之耆齡解澤流行厖眉呼僊中賀恭惟

太上皇帝陛下垂裳二紀脫屣万機授舜子以無為  
今於茲為盛巨迹廣野老心慕封人敢廣茂栢之詩仰  
介大椿之祉臣無任

太上慶七十賀皇帝表

慈闈得壽饗踰七望八之耆年繇寓臚驩逢成五登

皇朝文獻通考

卷一百一

三之盛際厥今之慶振古所無中賀恭惟

皇帝陛下協帝重華繼文下武奉兩宮之溫清閱五  
閏以尊安堯蕩蕩無能名益介大椿之祉舜業業致  
其孝獨光汗簡之藏巨身在鄉閭心馳軒陛想雲龍  
之縟禮花動春幡覩雷雨之渥恩茶開秋網臣無任  
謝慶壽加恩表

慈極縱心講後天之大慶周行拜手霑加地之新恩  
却樞樓之虛文垂登閣之故事中謝恭惟

皇帝陛下以堯為父如舜事親長發其祥應七百卜  
年之神筭多與之邑記二三執政之舊人特出明綸



以彰盛典巨退藏故里咀相浸容既并賦之濫增顧  
涓埃之何報巨無任

賀會慶節表

地關天開際就盈之良月星流電繞書衍慶之非煙  
凡在式圍率同擊壤中賀恭惟

皇帝陛下聰明稽古慈儉宅尊息戰闢以邦寧勸農  
桑而家給稱王庖之萬歲若舜事親上金鏡之十章  
與唐比迹烜赫誕彌之節歌呼難老之謠巨久去宮  
庭遠藏巖壑首百僚而上壽夢想鶴行足五帙以增  
年驩均鼇抃巨無任

賀立皇后表

雲虬臚音星軒絢彩凡依乾覆共仰坤儀中賀竊以  
詩首開睢吟咏二南之化禮稱禴翟辨明六服之容  
惟嬪虞以媯汭之賢故翼夏者塗山之懿倚歎盛旦  
倬彼芳塵恭惟

皇帝陛下景命中興容光下濟杜私謁以肅房闡茂  
內德而御家邦觀法大任得嗣徽之太姒承顏長樂  
當正極於長秋喜動慈闈慶垂寶冊巨身藏田里心  
係闕庭椒塗既進於鴻名繭館願修於故事巨無任

賀皇后牋

慶溢楓宸禮成椒屋共賦覩天之雅仰瞻遊日之明  
恭惟

皇后殿下播德鞠衣流光彤管繇良家八月之選冠  
天極四星之躔周之興也以太任續前塵於昔日葛  
之覃兮于中谷助內治以歷年茲正位於純坤益盡  
懽於長樂巨退藏三徑仰睇九垓想奉冊以馳心敢  
貢牋而拜手

謝加恩表

八觚展采職弗預於奉璋四表均釐渥遂儕於賜胙  
華章所逮朽質為榮

中謝恭惟

皇帝陛下降札先庚燔柴報本六變陶匏之樂五修  
繭栗之祠移慈極之孝心事夫明而事地察受泰壇  
之靈貺如山壽而如川增澤欲廣於下流福靡懷於  
專鄉致茲多邑猥及微臣敢飾詐以循墻第銘恩而  
存闕巨無任

賀明堂表

大饗總章慶合祛於天地傳臚象魏鼓丕號於雷風  
凡在式園率皆擊壤

中賀恭惟

皇帝陛下化行禹貢德邁舜華五陟圓壇疊黃鍾太  
族之樂一新曠典續皇祐紹興之秋殿位森羅篋寶

曹勳夙駕有霖淫之害齋宮開明慨之祥聖格三靈  
歡來四表臣心休尋罄身阻陪祠記曩歲之執綏依  
乘玉輅想蕭辰之鳴佩瞻仰金雞巨無任、

遺表

丁酉年病中所作  
後七年而公薨

去天一紀每嗟遇合之難問路九原少駐斯湏之景  
中謝伏念臣學雖是古材不瘡人蚤從事於簞官敢  
纓情於好爵初無介紹獨被簡知立朝曾不二年輔  
政乃周十月不敢懷茲而罔上但欲奉公而滅私犬  
一吠形歷數秉鈞之罪言三成虎不無投杼之疑旋  
畀輔藩久安祠祿園林勝而鍾鼓絕阡陌少而子孫  
多家無餘財不留心於斯事人有百行顧沒齒以何  
稱伏望

盤洲文卷一

皇帝陛下信任忠良聽從諫爭承顏盡孝以驩壽考  
之無疆嘗膽復讎少俟腥羶之有豐臣受恩弗報厥  
恨奚言尚期結草之忠用展傾葵之素臣無任

盤洲文集卷第四十





